

證治通論

生下胎疾

|              |
|--------------|
| 漢書門          |
| 類            |
| 號            |
| 函            |
| 架            |
| 冊            |
| 六一二一<br>九四二一 |


初生

初生輒死 不能啼 眼不開 不乳  
 吐不止 不小便 不大便 大小便不通  
 垂癰 重舌 重齦 重腭  
 口中生蟲 噤風 鴛口 撮口  
 胎驚 胎疔 胎瘡 胎突  
 胎黃 胎赤 胎寒 胎熱

拭口法 浴兒 斷臍  
 灸臍 裹臍 服藥下胎毒

三之一

|              |
|--------------|
| 類            |
| 號            |
| 冊            |
| 架            |
| 函            |
| 冊            |
| 六一二一<br>九四二一 |





三

三

初刊治學經集之一

金明王育堂李春園

# 證治通論

心主驚 驚則明次昏熱飲之  
而格 虛則胃而悸動不安 狂主風 實則日也  
大則啊欠煩急煩悶 虛則前齒痛牙多欠氣也  
外生氣溢則內外皆動 壯主因實  
引運身熱氣不虛則其氣生風 肺主喘實也  
虛則其氣不實也  
虛則其氣不實也



醫書集  
卷之八

幼科證治準繩集之一

金壇王肯堂字泰甫輯

# 證治通論

錢氏論五藏所主

心主驚

實則叫哭發熱飲水

而搐

虛則臥而悸動不安

肝主風

實則目直

大叫呵欠項急頓悶

虛則前

牙多欠氣熱則

外生氣溫則内生

綱目外生內生  
下皆有風字

脾主困

實則

困睡身熱飲水


虛則吐瀉生風

肺主喘

實則

悶亂喘促有飲水者有不飲水者

虛則噎氣長出



通論

幼科



氣腎主虛無實也惟瘡疹腎實則變黑陷更當  
別虛實證假如肺病又見肝證前牙多呵欠者易治  
肝虛不能勝肺故也若目直大叫哭項急頓悶者難  
治蓋肺久病則虛冷肝強實而反勝肺也視病之新  
久虛實虛則補母實則瀉子

**五藏病**

肝病哭叫目直呵欠頓悶項急心病多  
叫哭驚悸手足動搖發熱飲水脾病困睡泄瀉不  
思飲食肺病悶亂哽氣長出氣氣短喘急腎病  
無精光畏明體骨重潔熱則從心寒則從腎嗽而  
氣上從肺風從肝瀉從脾假冷瀉兼嗽又氣上乃脾

肺病也宜瀉白益黃散合而服之脾苦濕肺苦燥氣  
上逆也其症見瀉又兼面色黃腸鳴啞啞者宜服理  
中湯瀉而嘔者宜服茯苓半夏湯如瀉而渴熱多者  
宜服黃芩厚朴湯不渴而熱少者宜服白朮厚朴湯  
其他五藏若有兼症皆如此類推之更詳後論四時  
推移用藥

**五藏相勝**

肝病秋見日晡肝勝肺也肺怯不能勝  
肝當補脾治肝益脾者母能令子實也補脾益黃散  
治肝瀉青丸主之肺病春見早晨肺勝肝也肝怯  
故受病當補肝腎治肺補肝腎地黃丸治肺瀉白散



主之 肝病見秋木旺肝勝肺也宜補肺瀉肝輕者  
 肝病退重者唇白而死 肺病見春金旺肺勝肝也  
 當瀉肺輕者肺病退重者目淡青必發驚更有赤者  
 當搖海藏云為肝怯故目淡青色也心病見冬火旺心勝腎也當  
 補腎治心輕者心病退重者下竄不語腎怯虛也  
 腎病見夏水勝火腎勝心也當瀉腎輕者腎病退重  
 者悸動當搖 脾病見四旁皆倣此治之順者易治  
 逆者難治脾怯當面自赤黃五藏相反隨證治之  
 婁右五藏相勝病隨時令乃錢氏擴充內經藏氣法  
 時論之旨實發前人所未發者也假如肝病見於春

及早晨乃肝自病於本位也今反見於秋及日晡肺  
 之位知肺虛極肝往勝之故當補脾肺瀉肝也餘倣  
 此 潔肝勝肺則肝病身熱發搖又見肺虛喘而氣  
 短病見於申酉戌時是肝真強也內經云受所制而  
 不能制謂之真強法當補脾肺而瀉肝導赤散瀉黃  
 散主之 劉宗厚云此皆五藏相勝病機不離五行  
 生剋制化之理者蓋小兒初生襁褓未有七情六慾  
 只是形體脆弱血氣未定藏府精神未完所以有藏  
 氣虛實勝乘之病但世俗不審此理往往遇是率指  
 為外感內傷而用藥致枉死者多矣悲夫錢氏論時



有脫略幸而潔古補之今特參附誠無窮之惠也

潔古論五藏五邪相乘補瀉大法

五藏子母虛實

鬼賊微正若不違旨意不易得而入焉 在前者為實邪子能令母實拒賊傷於母其子又引母所尅者妻來相助故曰實邪也在後者為虛邪母引子之鬼賊至由母能令子虛也內經云子能令母實母能令子虛此之謂也 妻來乘夫為微邪夫來乘妻為賊邪法當瀉鬼補本藏本藏自病為正邪當虛則補之實則瀉之內經云滋苗者必固其根伐下者必枯其上逆其根伐其本則敗其真矣 心主熱自病或太

21

熱瀉心湯主之實則煩熱黃連瀉心湯主之虛則驚悸生犀散主之 肺乘心微邪喘而壯熱瀉白散主

之 肝乘心虛邪風熱煎大羌活湯下大青丸主之

脾乘心實邪泄瀉身熱瀉黃散主之 腎乘心賊

邪恐怖惡寒安神丸主之 肺主燥自病則喘嗽燥

則潤之實則喘而氣盛瀉白散主之虛則喘而少氣

先益黃散後阿膠散主之 心乘肺賊邪熱而喘嗽

先地黃丸中導赤散後阿膠散主之 肝乘肺微邪

惡風眩冒昏憤嗽羌活膏主之 腎乘肺實邪憎寒

嗽清利百部丸主之 脾乘肺虛邪體重吐痰泄瀉



嗽人參白朮散主之 肝主風自病則風搐拘急肝  
 苦急急食甘以緩之佐以酸苦以辛散之實則風搐  
 力大瀉青丸主之虛則風搐力小地黃丸主之 心  
 乘肝實邪壯熱而搐利驚丸涼驚丸主之 肺乘肝  
 賊邪氣盛則前伸呵欠微搐法當瀉肺先補本藏補  
 肝地黃丸主之瀉肺瀉白散主之 脾乘肝微邪多  
 睡體重而搐先當定搐瀉青丸主之搐止再見後證  
 則別立法治之 腎乘肝虛邪憎寒呵欠而搐羸活  
 膏主之 脾主濕自病則泄瀉多睡體重昏倦脾苦  
 濕急食苦以燥之實則泄瀉赤黃睡不露睛瀉黃散

主之虛則泄瀉色白睡露睛白朮散主之 肝乘脾  
 賊邪風瀉而嘔茯苓半夏湯主之 心乘脾虛邪壯  
 熱體重而瀉羸活黃芩蒼朮甘草湯主之 肺乘脾  
 實邪能食不大便而嘔吐嗽煎檳榔大黃湯下葶藶  
 丸 腎乘脾微邪惡寒泄瀉理中丸之類主之 腎  
 主寒自病則足脛寒而逆人之五藏惟腎無實小兒  
 瘡疹變黑陷則是腎實水尅退心火 心乘腎微邪  
 內熱不惡寒桂枝湯主之 肺乘腎虛邪喘嗽皮澁  
 寒百部丸主之 肝乘腎實邪拘急氣搐身寒理中  
 丸主之 脾乘腎賊邪體重泄瀉身寒理中丸主之



凡五藏虛弱是自已正令不行乃鬼賊之所尅害  
 當補本藏之正氣假令肺病喘嗽時於初春見之法  
 當補腎見於夏救肺見於秋瀉肺見於冬補心瀉本  
 藏又名寒嗽大抵五藏各至本位即氣盛不可更補  
 到所克位不可更瀉

**五藏補瀉法** 錢凡病先虛或已經下有合下者必先  
 實其母後瀉其子也假令肺虛而痰實此可下之證  
 先當益脾後方瀉肺也 瀉青丸又名瀉肝丸 錢  
 氏謂肝無補法故無補肝藥王海藏以四物湯內加  
 防風羌活等分為細末煉蜜丸名補肝丸 又以瀉

青丸去梔子大黃名鎮肝丸治肝虛 導赤散瀉丙  
 小腸 瀉心湯瀉丁心 安神丸治心虛疴熱神思  
 恍惚 海藏八物定志丸補心正藥 益黃散又名  
 補脾散海藏云此劑補脾以燥濕東垣云治胃中寒  
 濕嘔吐腹痛瀉利清白之聖藥也 瀉黃散又名瀉  
 脾散海藏云瀉脾熱 阿膠散又名補肺散海藏云  
 杏仁本瀉肺非若人參天門冬麥門冬之類也 瀉  
 白散又名瀉肺散海藏云治肺熱骨蒸自汗用此直  
 瀉之梔子黃芩亦瀉肺當以氣血分之 地黃丸即  
 金匱八味丸去桂附海藏云治腎虛解顛即眩病也

通論

卷一

五



治脉毛而虛 錢氏謂腎無瀉法故無瀉腎藥海藏瀉腎丸治脉洪而實即前地黃丸熟地改生地去山茱萸是也此治左手本部脉若右尺洪實以鳳髓丹瀉之詳見五藏各門總論

**容色**古稱望而知之謂之神而小兒醫號為啞科脉來駛疾難於指下分明尤以察色為要故首叙之夫嬰兒惟察其面部必有五色以知病源本身五體以頭為首首中有向面中有睛睛中有神神者目中光彩是也隱顯橫衝應位而見以應五藏五色者青黃赤白黑五藏之色心赤肝青脾黃肺白腎黑五藏

所主病證蘊於內必形色見於外故小兒有病先觀其本部形色以論其五行生尅吉凶形色若不相應然後聽聲切脉

**錢**向上證 左顛為肝合左手關位肝膽之分 右

顛為肺合右手寸脉肺與大腸之分 額上為心合左手

於君火為二之氣 鼻為脾合右手關脉脾胃之分

氣 頰為腎合左手尺下腎與膀胱之分 赤者熱也

黃者積也白者寒也青黑者痛也隨證治之 永類

鈴方云青色者為驚積不散欲發風候 紅赤色者

為熱為痰積壅盛驚悸煩躁增進 黃色者亦為熱



為食積癥傷欲作疳候或作瘡癰若神思昏沉其候  
 潮熱氣羸困倦或嘔噦或瀉痢 白色為寒為肺氣  
 不利太腸滑泄欲作吐利 黑色者為痛所傳不煩  
 變證即為逆候榮衛失序為疾危惡 全嬰方云左  
 頰屬肝東方之位春見微青者平深青者病白色者  
 絕赤色主身熱拘急肝熱生風青黑色主驚悸腹痛  
 淺赤色主潮熱夜間發日中歇唇紅焦燥脉必緊數  
 右頰屬肺西方之位居右秋見微白者平深白者  
 病赤色者絕淺色主潮熱或大便堅而氣羸壅嗽青  
 白色主咳嗽惡心青色主風入肺時時咳嗽青黑色

主驚風欲發或肚疼盤腸內吊 額上屬心南方之  
 位火性炎上故居上夏見微赤者平深赤者病黑色  
 者絕赤色主心經有風熱心躁驚悸睡卧不安青黑  
 色主心中有邪驚風腹疼手足癱瘓而啼叫青黑甚  
 至心腹疼黃色主驚疳骨熱渴皮毛乾燥夜多盜汗  
 頭髮焦黃 鼻上屬脾中央之位故居中而四季見  
 微黃者平深黃者病青色者絕赤色主身熱不思乳  
 食深黃色主小便不通鼻孔乾燥氣羸鼻衄夜間多  
 哭淡白色主泄瀉食不化青色主吐乳口鼻乾燥大  
 小便不利 下頰屬腎北方之位水性潤下故居下



冬見微黑者平深黑者病黃色者絕赤色主膀胱與  
腎為表裏有熱則水道不利故小便癃閉永類鈐  
方肝部所主睛中瞳人內藏其神外究五輪眶眇屬  
脾熱即生眇兩眦總心熱痛如鍼白屬肺家熱赤生  
砂黃屬肝藏昏瞽障中心瞳人腎熱不明眼忽眩  
竄發風發驚心部所主顴面臉頰皆屬心位黑即  
沉困青即驚悸赤心發風白即疳氣虛黃衛積浮腫  
氣逆心絕何因大叫數聲過關不叫必作鴉聲加熱  
驚譊散熱清心脾部所主唇口見病人中承漿四  
圍上下合口脾鄉開口屬心心脾有熱唇裂舌瘡三

焦積熱唇紅如血深紅重渴鵝口慕口木舌重舌脾  
肺熱就口內噴臭脾腎氣寒色如死肝大驚一嚇口  
乾唇白常時積驚漸必傳心心氣不足令兒煩哭何  
知脾絕指甲皆黑目無神光定難用藥五種撮口驚  
風更惡不治証肺部所主鼻準兩孔并連山根大  
小二眦肺部所存鼻孔黑煤即肺經焦黑煤如墨肺  
經即絕鼻中赤癢疳盛蚘長或瀉白滲腦寒困寐或  
流清涕傷風喜睡肺熱鼻塞因息吹得或感風寒亦  
閉關隔鼻爛即疳鼻臭積熱腎部所主耳穴之前  
名曰耳花耳孩名輪輪裏名廓輪廓焦黑腎家虛熱



其黑如炭腎絕死旦耳門生瘡衛積非常耳中膿出  
 腎熱在極臭名聾耳膿汁不止瘡癢如刺其候虛熱  
 忽聽不聰心腎氣壅常作關關熱氣上攻或如蟲刮  
 榮虛衛熱耳輪如水更有耳後麻痘相侵耳輪紅熱  
 傷寒是則熱極內痛腫氣相攻清心涼膈關竅通塞  
 兒孩兩腎常虛無病切莫攻擊補更無益 潔肝病  
 面白 肺病面赤 脾病面青 腎病面黃 心病  
 面黑 若肝病驚搐而又加面白痰涎喘急之類此  
 皆難治餘倣此推之假令春分前風寒也宜用地黃  
 菴活防風或地黃丸及瀉青丸相間服之春分後風

熱也宜用菴活防風黃芩或瀉青丸導赤散下之立  
 夏後熱也宜用三黃丸導赤散夏至後濕熱也宜用  
 導赤散瀉黃散合而服之或黃芩人參木香之類秋  
 分後用瀉白散立冬後用地黃丸主之謂腎不受瀉  
 也 陸青主驚積不散欲發風候紅主痰積驚悸黃  
 者食積癥傷欲作疳癰白主泄瀉水穀更欲作吐黑  
 主臟腑欲絕 印堂青主初患驚瀉紅主大驚夜啼  
 黑主客忤 山根青主一次驚瀉後發躁黑黃甚者  
 死 年壽平陷主夭青主發熱生驚黑主利死紅主  
 躁死微黃曰平黃甚曰霍亂 承漿青主食時被驚



黃主吐逆亦主血利黑主驚風面眼黑睛黃主有  
熱白睛黃主食積疳疔白睛青主驚風黑睛黃主傷  
寒眉上青吉忽紅主煩躁夜啼黃主霍亂久病紅  
者死風氣一池青主風候紫主吐逆或發熱黃主  
吐逆赤主煩躁夜啼兩顴赤主肺有客熱兩太  
陽青主一次受驚青自太陽入耳者死紅主血淋  
兩臉青主客忤黃主痰溢赤主風熱兩頰赤主傷  
寒兩顴青主吐蟲兩金匱青主第二次驚風黑遮  
口一日死青連日入耳七日死兩風門紅主風熱  
黑主疝青主水驚黑從眉入耳即日死唇黑不食者

死面青眼青肝病面赤心病面白肺病面黃脾病  
面黑腎病額間赤色主心經有熱煩躁驚悸若飲  
水或叫哭屬本經實熱用瀉心散以清心火微赤困  
卧驚悸熱渴飲湯屬虛熱用秘旨安神丸以生心血  
青黑主驚風腹痛或瘵瘵啼叫用五味異功散加木  
香柴胡鈞藤鈞補脾肝青黑主心腹作痛此寒水乘  
心用益黃散微黃主驚疔用安神丸左臉青或兼  
赤主肝經風熱項強頓悶目割瘵瘵用柴胡清肝散  
色微赤條熱咬牙屬虛熱用地黃丸青黑主肝疝脾  
而驚搐腹痛用六君子加薑桂微赤主潮熱血虛心



躁先用秘旨安神丸次用地黃圓右臉赤主風邪  
 氣麤咳嗽發熱飲水為實熱用瀉白散若哽氣出氣  
 唇白氣短屬虛熱用五味異功散若脾熱所傳用清  
 胃散心火所刑用人參平肺散淡赤主潮熱心躁或  
 大便堅秘用宣明柴胡飲子以疎導如潮熱未止更  
 用釣藤飲以清肝色青白主咳嗽惡心先用惺惺散  
 解表邪健脾土更以六君子湯調補中氣色青黑主  
 驚風腹痛盤腸肉釣用六君釣藤鈎平肝補脾鼻  
 微黃為平赤主脾胃實熱身熱飲水乳食如常用瀉  
 黃散清熱理脾微赤主脾經虛熱身涼飲湯乳食少

思用五味異功散補中健脾色深黃主小便不通鼻  
 中乾燥氣麤衄血乃脾熱傳於肺腎先用濟生犀角  
 地黃湯後用地黃丸色淡白乃脾虛泄瀉乳食不化  
 用六君子湯調補中氣青色主脾土虛寒肝木所勝  
 用五味異功散加木香炮薑溫中平肝黑為死候  
 頰間色赤主腎與膀胱氣滯熱結而小便不通用五  
 苓散以分利鼻準微黃兼右腮微赤乃脾肺燥熱不  
 能化生腎水用黃芩清肺飲膀胱陰虛陽無所生用  
 滋腎丸若頰間微赤乃膀胱陽虛陰無所化用六味  
 地黃丸若小腹脹滿或陰囊腫脹屬陰虛濕熱壅滯



用六味丸加車前牛膝脾肺氣虛不能通調水道者亦用前藥其小便赤色久而尿血亦屬肝腎氣虛有熱用六味地黃丸如不應則用補中益氣湯益脾肺生肝腎若小便後出白津或莖中作痛屬肝經濕熱先用龍膽瀉肝湯後用六味地黃丸印堂青黑主腹痛夜啼此脾氣虛寒也脾為至陰故夜間腹痛而啼用釣藤飲色淡白主泄瀉乳食不化屬脾氣虛弱用五味異功散加木香人中黃主傷乳胃逆青主下利乳食不化噎氣酸腐此脾虛停滯先用大安丸消食後用異功散健脾黑主蛔蟲交痛唇色白主

吐涎嘔逆或吐血便血乃脾氣虛弱不能攝涎統血歸源急用六君子湯色赤乾燥而皺者主脾經熱渴大便不通煩熱不寐先以清胃散治其熱次以四君子湯健脾色赤兼白主衄血乃脾肺虛熱不能攝血歸源用聖濟犀角地黃湯清熱補血用四君子湯以補脾氣如久不應則用麥門冬散或人參安胃散口畔色黃主脾經積熱用清胃散久病用四味肥兒丸以治疳熱唇口抽動主驚熱不安用異功散加山梔釣藤鈎補脾平肝若口流涎唇色紫乃脾氣虛寒用



通論  
異功散加炮薑木香若腹中痛口吐涎乃蟲作痛先用蕪荑散後用調中丸不吐涎是積痛也用異功散手足厥冷用理中湯加烏梅溫補中氣而痛自止或吐後或大便去後而痛止者先用下積丸後用異功散白主失血死青主驚風死黑色繞口者不治耳後微赤此少陽經風熱用柴胡飲子清肝生血微黃主睡中驚悸咬牙用四君子加芎歸升麻以調理脾胃氣耳乾燥主骨疢蒸熱作渴盜汗用地黃丸若小便後出白津或玉莖癢痛屬肝經濕熱先用龍膽瀉肝湯後用地黃丸若稟賦腎氣不足或早近女色致

小便澀滯或作痛如淋者急用地黃丸補中益氣湯滋其化源或大小便去後穀道牽痛者其虛尤甚思前丸加牛膝車前肉桂如手足逆冷或畏寒少食陽氣虛寒也急加附子多可得生太抵多因稟賦臟氣不平或乳食寒暑失節或妊娠乳母飲食起居六淫七情所致若初病元氣無虧乳食如常發熱壯熱二便秘結作渴飲水睡不露睛者悉屬形病俱實當治邪氣若病久元氣已虧食少發熱口乾飲湯嘔吐泄瀉肢體畏寒而露睛者悉屬形病俱虛當補正氣更宜審胎氣之虛實臟腑之相勝而治之庶無悞矣



錢曰內證 赤者心熱導赤散主之 淡紅者心虛  
熱生犀散主之 青者肝熱瀉青丸主之 淺淡者補  
之 黃者脾熱瀉黃散主之 無精光者腎虛地黃  
丸主之 如見面目浮腫主久咳嗽乃脾受疳積也  
凡小兒唇白主吐涎嘔逆吐血便血唇紅渴飲煩躁  
如久渴瀉唇紅者是虛證也不可用涼藥唇黃主脾  
受積後發腫唇口紫及吐涎者主蟲痛不吐涎者是  
積痛唇口四畔黃如橘主口臭乃脾之積熱也唇青  
主血虛脾寒為冷所乘蓋唇主脾土木來尅土知脾  
弱不能食也

凡小兒舌乾舌白舌燥舌胎舌黃舌赤腫皆主大便  
不通或通利必色焦黃如舌裂舌上芒刺舌上出血  
皆熱極陽毒也舌上生瘡心脾有熱舌捲主驚久患  
瀉利舌黑必潤不可認為熱蓋久病上焦虛熱故也  
久瀉痢舌黑者必死

**聽聲**

重實聲重實雄聲體熱為三焦氣壅在心脾傷風咳  
嗽喉咽痛結澀腸中糞出遲  
悲焦聲悲焦有燥恐怖欲生風重濁聲沉靜疳攻  
必耳聾



啼哭聲但哭無啼只是驚多啼不哭痛分明聲輕顫  
 嘔風痛病速緩聲頻吐瀉成  
 噤煎聲噤煎煩躁病難安燥促聲音為感寒語短氣  
 微尿主澀長遲聲細痢多般  
 遲緩聲語短聲遲緩腸鳴泄瀉頻嘔聲多不響風熱  
 肺家因

**脈法** 候兒脈當以大指按三部一息六七至為平和  
 八九至為發熱五至為內寒脈弦為風癰沉緩為傷  
 食促急為虛驚弦急為氣不和沉細為冷浮為風太  
 小不勻為惡候為鬼祟浮大數為風為熱伏結為物

聚單細為疳勞凡腹痛多喘嘔而脈洪者為有蟲沉  
 而遲潮熱者胃寒也溫之則愈訣曰小兒脈緊風癰  
 候沉緩食傷多嘔吐弦急因知氣不和急促急驚神  
 不守冷則沉細風則浮牢實大便應秘久腹痛之候  
 緊而弦脈亂不治安可救變蒸之時脈必亂不治自  
 然無過繆單細疳勞洪有蟲大小不勻為惡候脈沉  
 而遲有潮熱此必胃寒來內寇瀉利脈大不可醫仔  
 細酌量宜審究雲岐子云未及五歲不可視聽者未  
遲數按錢氏論又  
不拘五歲上下也  
 脈應雜病



諸數脈 為熱屬腑

諸遲脈 為冷屬臟

陽數脈 主吐逆不吐必發熱

陰微脈 主泄瀉不瀉必盜汗

沉數脈 寒熱寒多熱少亦主骨蒸熱 急則驚瀕

緊數脈 寒熱熱多寒少又主骨熱急則驚瀕

沉緊脈 心腹痛短數同亦主咳嗽

沉細脈 乳食不化亦主腹痛下痢

沉伏脈 為積聚亦主霍亂

微緩脈 乳不化泄瀉沉緩亦同

微澀脈 瘕瘕筋攣

微急脈 寒熱唾血

浮滑脈 宿食不消亦主咳嗽

浮緊脈 疝氣耳聾

浮弦脈 頭疼身熱

緊滑脈 吐血惡

心脈急數 驚瀕不驚者疝淋

肝脈急甚 顛癇風癇痰涎流液

肺脈浮實 鼻塞并大小便不通

關脈緊滑 主蛔蟲尺脈沉亦主蛔



尺脉微細，溏泄冷痢，乳食不化。  
尺脉微澀，便血無血者，必盜汗。  
脉過寸口，入魚際，主遺尿。

審脉逆順

驚搐脉 浮數順沉細逆身溫順肢冷逆  
夜啼脉 微小順洪大逆身冷逆  
心腹痛 沉細順浮大逆身溫順肢冷逆  
傷寒脉 洪弦順沉細逆浮大順微伏逆  
汗後脉 沉細順洪緊逆困睡順狂躁逆  
溫病脉 洪大順沉細逆身熱順腹痛逆

咳嗽脉 滑浮順沉細逆身溫順肢冷逆  
霍亂脉 浮洪順遲微逆身溫順肢冷逆  
吐衄脉 浮大順沉細逆身溫順肢冷逆  
泄瀉脉 緩小順浮大逆身溫順肢冷逆  
諸痢脉 沉細順浮大逆身溫順肢冷逆  
諸渴脉 洪數順微細逆身溫順肢冷逆  
諸腫脉 浮大順沉細逆臟實順腸泄逆  
腹脹脉 浮大順虛小逆臟實順泄瀉逆  
痰喘脉 滑大順沉細逆身溫順肢冷逆  
寒熱脉 緊數順沉細逆倦怠順強直逆

通命脉應病

寸口



疳勞脉 緊數順沉細逆臟實順脾泄逆  
 蟲痛脉 緊滑順浮大逆身温順唇青逆  
 諸失血 沉細順浮數逆身温順發熱逆  
 中惡腹脹 緊細順浮大逆身熱順身冷逆  
 黃疸脉 浮大順沉細逆腹寬順泄瀉逆  
 火瘴脉 浮洪順沉細逆身熱順身冷逆  
 錢仲陽云小兒之脉氣不和則弦急傷食則沉緩虛  
 驚則促急風則浮冷則沉細脉亂者不治 水鏡訣  
 云陰陽運合男女成形已分九竅四肢乃生五臟六  
 腑部分既別逆順難明若憑寸口之浮沉必乃橫亡

於孩子須明虎口辨別三關消詳用藥始無差誤未  
 至三歲看虎口食指第一節名風關脉初見易治第  
 二節名氣關脉見病深難治第三節名命關脉見死  
 不治三關青是四足驚赤是水驚黑是人驚紫色瀉  
 利黃色雷驚三關通度是極驚之症必死或青或紅  
 有紋如線一直者是乳食傷脾必發驚熱左右一樣  
 者是驚與積齊發有三條或散是肺生風痰或似駒  
 駝聲有赤是傷寒及嗽如紅火是瀉紅黑相兼主下  
 痢青多白痢紅多赤痢紫色相兼加渴虎口脉紋亂  
 主胃氣不和青是驚與積青黑發慢驚脉入掌乃內



釣指紋曲裏風盛彎外食積此論三歲以上之法  
若三歲以下更用一指按高骨乃分三關定其息數  
呼吸八至爲平脉九至不安十至危困浮主風沉遲  
主虛冷實主有熱緊主癩癩洪主熱盛沉緩主虛瀉  
微遲有積有蟲遲澀主胃脘不和沉主乳食難化沉  
細主乳食停滯緊弦主腹中熱痛牢實主大便秘沉  
而數者骨中有熱弦長是肝膈有風緊數乃驚風爲  
患四肢掣顛浮洪乃胃口有熱沉緊主腹痛有寒虛  
濡者有氣又主慢驚芤主大便利血四歲以下用  
一指袞轉尋三部以關爲準七八歲移指少許九歲

次第依三關部位尋取十一十二歲亦同十四十五  
歲依大方脉部位診視凡看脉先定浮沉遲數陰  
陽冷熱沉遲爲陰浮數爲陽更兼看部位青主驚風  
白主虛瀉赤主痰熱黑色病甚黃主脾疳以此相參  
察病治療庶無誤矣全幼心鑑云小兒半歲之際  
有病當於額前眉端髮際之間以名中食二指曲按  
之兒頭在左舉右手在右舉左手食指爲上中指爲  
中名指爲下二指俱熱主感風邪鼻塞氣麤發熱咳  
嗽若二指俱冷主外感風寒內傷飲食發熱吐瀉若  
食中二指熱主上熱下冷名中二指熱主夾驚之疾



食指熱主胸滿食滯又當察辨脉形主之流珠形  
主飲食所傷內熱欲吐或腸鳴自利煩躁啼哭用助  
胃膏消飲食分陰陽若食消而病仍作用香砂助胃  
膏以補脾胃環珠形主脾虛停食胸膈脹滿煩渴  
發熱用五味異功散加山查枳實健脾消食後用六  
君子湯調養中氣長珠形主脾傷飲食積滯肚腹  
作痛寒熱不食先用大安丸消其積滯次以異功散  
健其脾氣來蛇形主脾胃濕熱中脘不利乾嘔不  
食此疳邪內作先用四味肥兒丸治疳後用四君子  
湯補脾去蛇形主脾虛食積吐瀉煩渴氣短喘急

不食困睡先用六君子湯加枳實健脾消積次以七  
味白朮散調補胃氣弓反裏形主感冒寒邪噎氣  
出氣驚悸倦怠四肢稍冷小便赤色咳嗽吐涎先用  
惺惺散助胃氣祛外邪後以五味異功散加茯苓當  
歸養心血助胃氣若外邪既解而驚悸指冷脾氣受  
傷也宜用七味白朮散補之若悶亂氣麤喘促噎氣  
者難治脾虛甚故也弓反外形主痰熱心神恍惚  
夾驚夾食風癘痰盛先以天麻防風丸祛外邪又用  
五味異功散調中氣鎗形主風熱生痰發搐先用  
抱龍丸如未應用牛黃清心丸若傳於脾肺或過用




風痰之藥而見一切諸症者專調補脾胃魚骨形  
主驚痰發熱先用抱龍丸治之如未應屬肝火實熱  
少用抑青丸以清肝隨用六味丸以補肝或發熱少  
食或痰盛發搖乃肝木尅脾土用六君子湯加柴胡  
補脾土以制肝木水字形主驚風食積胸膈煩躁  
頓悶少食或夜啼痰盛口噤搐搦此脾胃虛弱飲食  
積滯而木尅土也先用大安丸消導飲食次以六君  
鈞藤鈞補中清肝若已服消食化痰等劑而病不愈  
者用四君升麻柴胡鈞藤鈞升補脾氣平制肝木  
鍼形主心肝熱極生風驚悸頓悶困倦不食痰盛搐


搦先用抱龍丸祛風化痰次用六君子加鈞藤鈞平  
肝實脾透關射指形主驚風痰熱聚於胸膈乃脾  
肺虧損痰邪乘聚先用牛黃清心丸清脾肺化痰涎  
次用六君子湯加桔梗山藥補脾土益肺金透關  
射甲形主驚風肝木尅制脾土之敗症急用六君木  
香鈞藤鈞官桂溫補脾土末應即加附子以回陽氣  
多得生者嘗聞古人云小兒為芽兒如草之芽水之  
漚蓋因臟腑脆嫩口不能言最難投劑當首察面色  
而知其所屬次驗虎口以辨其所因實為治法之簡  
要也



通論  
虎口三關脉紋




十三指形




流珠形


長珠形




環珠形




來蛇形



去蛇形



弓反外形




通論

刀持一


三三




弓反裏形




魚骨形




鎗形




鍼形




水字形



透關射指形



透關射甲形





流珠只一點紅色環珠差大長珠圓長已上非謂圈  
 子總皆紅脉貫氣之如此來蛇即是長珠散一頭大  
 一頭尖去蛇亦如此分上下朝故曰來去角弓反張  
 向裏為順向外為逆鎗形直上魚骨分開水字即三  
 脉竝行鍼形即過關一二粒米許射甲命脉向外透  
 指命脉曲裏雖然余常治之亦有不專執其形脉而  
 投劑者蓋但有是症即服是藥而亦多驗

**死證**凡小兒頤腫頤陷汗出不流如珠如油舒舌出  
 口舌腫發驚瀉黑黯血髮直如麻皮膚無血色此心  
 絕也竝壬癸日死 病重啼哭無淚及病不哭下淚

爪甲青黑眼深如陷舌捲囊縮發搐目斜連唇口動  
 手如抱頭之狀或脚面直素問云其華在爪其充在  
 筋肝絕也竝庚辛日死 人中滿人中黑唇縮反張  
 唇焦枯燥唇乾紫黑唇不蓋齒血腫尿血舌縮或捲  
 鼻孔開張齒禁冷涎如油噁口如囊面如土色四肢  
 逆冷如濕石之狀吃乳不收瀉糞赤黑脾絕也竝甲  
 乙日死 有熱嚔湯水并藥食喉中鳴是胃脆直不  
 能蔭肺此證醫書少有益累曾試之有驗竝死不治  
 目直青鮮氣喘不回吃食噎嗽痰涎塞口喉中鳴響  
 鼻塞不通鼻乾黑燥肺脹胃膈頭汗四肢冷此肺絕



也並丙丁日死。面黑神昏眼黑眼腫目無光彩耳  
輪青黃焦枯疳牙齒落髮疎黃燥皮膚黑燥驚風咬  
乳憂齒洩屁黑色透口此腎絕也並戊巳日死。  
小兒死證十五候。眼上赤脉下貫瞳人頤門腫起  
兼及作坑鼻乾黑燥肚大青筋目多直視覩不轉睛  
指甲黑色忽作鷓聲虛舌出口齧齒咬入魚口氣急  
啼不作聲虺蟲既出必是死形用藥速救十無一生  
小兒病困汗出如珠著身不流者死。小兒病其  
頭髮皆上逆者必死。小兒病而頤陷其口唇乾目  
皮反口中氣出冷手足四垂其卧如縛掌中冷皆不

治。小兒中風熱喘鳴有息脉緩則生急則死。小  
兒痢疾脉浮大而腹痛者必死。乳子病熱脉懸小  
手足溫則生寒則死。

千金論云小兒用父故絮著衣女用母故衣勿  
使新綿切不可過厚恐令兒壯熱生瘡發癩皆自此  
始。巢氏云兒始生肌膚未成不可煖衣則令筋骨  
緩弱宜時見風白若都不見風白則令肌膚脆軟便  
易傷損。嬰兒若常藏在幃幙之內重衣溫煖譬如  
陰地草木不見風日軟脆不在風寒。嬰兒皆當以  
故絮著衣莫用新綿也天氣和煖無風之時令母將



抱日中嬉戲數見風白則令血凝氣剛肌肉硬密堪耐風寒不致疾病。嬰兒又當習薄衣之法當從秋習之不可以春夏卒減其衣則令兒中風寒。嬰兒冬月但當著夾衣及衲衣之類極寒即漸加以舊綿人家多愛子乃以綿衣過厚適所以爲害也。嬰兒又當消息無令汗出汗出則致虛損便受風寒晝夜寤寐皆當戒之。初生兒出月必須入襁襦襁襦之道必須得宜如春夏之月乃萬物生長之時宜教令地卧使之不逆生長之氣如秋冬之月乃萬物收藏之時宜就溫暖之處使之不逆收藏之氣然後血凝

氣和則百病無自而入矣。丹溪曰人生十六歲已前血氣俱盛如日方升如月將圓惟陰常不足養之之道不可不謹童子不衣裘帛前哲格言具在人耳。裳下體之服帛溫暖甚於布者也裘皮服溫軟甚於帛者也蓋下體主陰得寒涼則陰易長得溫暖則陰暗消是以下體不與綿絹夾厚溫暖之服恐妨陰氣實爲確論。

**乳哺**湯氏曰小兒乳哺須要得法乳者妳也哺者食也乳後不得便與食哺後不得便與乳小兒脾胃怯弱乳食相併難以化周歲以上必成乳癖食癖於



通論  
腹中作疼作熱疳病從此起也 丹溪曰血氣俱盛  
食物易消故食無時然腸胃尚脆而窄若稠粘乾硬  
酸鹹甜辣一切魚肉水菓濕麪燒炙煨炒俱是發熱  
難化之物皆宜禁絕只與熟菜白粥非惟無病且不  
縱口可以養德此外生菓味鹹乾柿性涼可為長陰  
之助然栗太補柿太澀俱為難化亦宜少與婦人無  
知惟務姑息畏其啼哭無所不與積成痼疾雖悔何  
及所以富貴驕養有子多病迨至成人筋骨柔弱有  
食則不能忌口以自養居喪則不能食素以盡禮小  
節不謹大義亦虧可不慎歟至於乳母尤宜謹節飲

食下咽乳汁便通情欲中動乳脉便應病氣到乳汁  
必凝滯兒得此乳疾病立至不吐則瀉不瘡則熱或  
為口糜或為驚搐或為夜啼或為腹痛病之初來其  
溺必少便須詢問隨證治母母安亦安可消患於未  
形也 乳兒法凡乳母血氣為乳汁也五情善惡悉  
血氣所生宜戒喜怒一切禁忌不用狐臭瘦瘦氣嗽  
病者及身體疥癬頭瘡髮少緊脣耳聾音啞鼷鼻癩  
病等方可乳兒 夏中盛熱時乳母浴後或兒啼不  
可與妳能使兒成胃毒秋成赤白痢浴後可令定息  
良久熱燥乳之故無患也 聶氏曰盛啼不可食乳



恐氣逆不順聚而為噎亦能成驚風也 千金論曰  
凡乳兒不可過飽飽則溢而成嘔吐若乳來多猛取  
出授後再乳切須乳時合先令捏去宿熱乳然後乳  
之如乳母欲卧寐當以臂枕之令乳與兒頭平母欲  
睡著時即奪其乳恐其不知飽足亦成嘔吐父母交  
合之間兒卧於側或驚起不可乳兒蓋氣亂未定必  
能殺兒也 巢氏云小兒啼未定氣息不調母不可  
以乳飲蓋恐乳不得下停滯胸膈則為嘔吐也 顧  
頤經曰夏不去熱乳令兒嘔吐冬不去寒乳令兒泄  
瀉復痢尤不可不謹 夜間乳兒母起身坐抱兒餵

之 每侵早欲飲乳皆須捏去宿乳 乳汁勿投於  
地蟲蟻食之令乳無汁可沃東壁上佳 乳令兒病  
證喜乳涎喘生驚 孫兆云令兒上氣顛狂亦 怒乳疝  
氣腹脹 千金翼云怒乳令兒疝 寒乳疝片不化 史記  
論云乳氣寒虛冷故令便青 熱乳面黃不食 千金翼  
而啼千金翼云令兒咳嗽 氣乳吐瀉腹脹 寶鑑云令兒面  
嘔吐張氏云熱乳傷 氣乳吐瀉腹脹 寶鑑云令兒面  
損肺氣令兒龜胃 氣乳吐瀉腹脹 寶鑑云令兒面  
夜啼 病乳能生諸疾 孫氏云黃瘦骨蒸盜汗咳嗽夜哭  
疾 壅乳吐逆生痰 靈秘云壅乳成痰涎延壅生驚寶  
魁乳腹急藏冷 寶鑑云熱夜啼肌瘦一如積塊 醉乳恍惚  
多驚 千金翼云醉淫隨亂乳兒恍惚多驚 淫乳必發驚痛

通命乳哺 刀斗 元



寶鑑云乳母淫佚情亂乳兒  
今吐瀉身熱啼叫如鴉不治  
 已上乳急欲乳兒能  
 生諸病不可不息也凡喜怒氣亂未定乳兒則成吐  
 瀉腹痛疳黃不食寒熱壅積不散乳兒則成痰癖延  
 嗽肺脹龜背醉淫喘乳多發驚癇聖惠方云醉淫喘  
 乳能殺小兒聖濟經論乳者夏不欲熱熱則致吐逆  
 冬不欲寒寒則致下痢母不欲怒怒則令上氣顛狂  
 母不欲醉醉則令身熱腹滿母方吐下而乳則致虛  
 羸母有積熱而乳則變黃不能食新房而乳則瘦悴  
 交脛不能行太抵乳食不便則生疾病 哺兒法肘  
 後云兒初生三日應開腹助穀神碎米濃作飲如乳

酪與兒大豆許數令嚙之頻與大豆許二七日可哺  
 千金云兒哺早不勝穀氣令頭面體生瘡愈而復  
 發又尪弱難養二十日後雖哺勿多不嗜食強與之  
 不消復生病哺乳不進腹有痰癖四物紫丸微下之  
 節哺數日自愈 寶鑑云兒五十日可哺如棗核百  
 日彈丸早晚二哺莫抱檐下澡浴當風解衣哭未斷  
 而乳冒冷而哺又不可在神佛驢馬畔各房巢戶之  
 親諸色物器竝不可觸犯之害子性為驚癇經云三  
 歲未滿勿食雞肉子腹生蟲 錢乙云兒多因愛惜  
 過當三兩歲猶未飲食致脾胃虛弱平生多病半年



後宜煎陳米稀粥，粥尚時時與之。十月後漸與稠粥，爛飲以助中氣。自然易養，少病。惟忌生冷油膩甜物等。外臺崔氏初哺兒法，以平定成日丑寅辰巳酉日大吉，男忌戊巳日，女忌丙丁日。斷乳法：小兒年至四五歲當斷乳，而不肯斷者，宜用畫眉膏斷乳之道，方可漸與肉食，則無疳癖之患。

畫眉膏

山梔參箇燒存性 雄黃少 朱砂少  
右為極細末，入生麻油、輕粉各少許，調勻。候兒睡著，濃抹於兩眉上，醒來便不食乳。未効再用，加黃

丹壹錢

雜將護法萬全論：田婦護兒絕無他疾，譬之草木生於深山，太澤容易合抱。至於異果奇材，縱加培養，間有不秀實者，豈貴賤異哉！兒數見風日，即血凝氣剛，肌肉硬密，堪耐風寒。以田舍兒較之，相似。田氏曰：大凡小兒過煖，生熱熱極，生風提抱，生瘡餵飼，生癖最宜慎之。張煥曰：乳母須每日三時摸兒項後風池，若壯熱者，即須熨之，使微汗，即瘡。諺云：戒養小兒，謹護風池。風池在頸項筋兩轅之邊，有病乃治之。疾微，切不可妄鍼灸，亦不用輒吐下。所以然者，鍼灸

通論雜將護法

刀斗一

三十一



傷兒經絡吐下傷動臟腑故也。嬰兒暑中常令在  
稍涼處乳母勿禁新水即不宜多。嬰兒春夏間有  
疾不可亂有動下使下焦虛上焦熱變成大病矣。  
嬰兒須看稟受南北之殊蓋地土寒溫不同故也。  
嬰兒生後兩滿月即目瞳子成能笑識入乳母不得  
令生人抱之及不令見非常之物。嬰兒百晬任脉  
生能反復乳母當存節喜怒適其寒溫。嬰兒半晬  
尻骨已成乳母當教兒學坐。嬰兒二百日外掌骨  
成乳母教兒地上匍匐。嬰兒三百日臙骨成乳母  
教兒獨立。嬰兒周晬膝骨已成乳母教兒行步。

上件竝是定法蓋世之人不能如法存節往往抱兒  
過時損傷筋骨切宜戒之為吉。羅謙甫曰一小兒  
五月間因食傷冷粉腹中作痛遂於市藥舖中贖得  
神芎丸服之臍腹漸加冷疼時發時止踰七八年不  
已因思古人云寒者熱之治寒以熱良醫不能廢其  
繩墨而更其道也據所傷之物寒也所攻之藥亦寒  
也重寒傷胃其為冷痛可知矣凡人之脾胃喜溫而  
惡冷况小兒血氣尚弱不任其寒故陽氣潛伏寒毒  
留連久而不除也治病必先其本當用和中養氣之  
藥以救前失服之月餘方愈嗚呼康子饋藥孔子拜



而受之以未達不敢嘗此保生之重者也奈何常人拱默而令切脉以謂能知病否且脉者人之血氣附行經絡之間熱勝則脉疾寒勝則脉遲實則有力虛則無力至於所傷何物豈能別其形象乎醫者不可不審其病源而主家亦不可不說其病源且此子之父不以病源告醫而求藥於市鋪中發藥者亦不審病源而以藥付之以致七八年之病皆昧此理也孫真人云未診先問最為有準東坡云只圖愈疾不欲困醫一公之語其有功於世大矣

# 初生門

## 初生

薛小兒在胎稟陰陽五行之氣以生臟腑百骸藉胎液以滋養受氣既足自然生育分娩之時口含血塊啼聲一出隨即嚥下而毒伏於命門遇天行時氣久熱或飲食停滯或外感風寒驚風發熱等因發為瘡疹須急於未啼時用軟帛裹指挖去其血用黃連豆豉硃蜜甘草解之後雖出痘亦輕矣有嚥入即時腹



脹嘔吐短氣不乳者用茯苓丸治之但黃連性寒若  
稟母氣膏梁積熱者宜服若滋味淡薄胎氣元弱者  
又不宜用其硃砂固能解毒恐金石鎮墜不若只以  
牛黃分許蜜調與吮為佳世多用犀角解毒丸其胎  
氣虛寒虛弱者反傷脾胃生氣甚致不育又有嬰兒  
因其難產或冒風寒而垂危者切不可便斷臍帶急  
烘綿絮包抱懷中急以胎衣置火中煨燒更用大紙  
捻於臍帶上往來燎之使煖氣入腹須臾氣復自甦  
尤戒洗浴恐滕理不密元氣發泄而外邪乘之也

**拭口法** 嬰兒新產出胎急以綿裹指揩拭兒口中舌

上惡血穢露謂之玉銜若啼聲一發即入腹成百病  
又看舌下若連舌有膜如石榴子若啼不出聲不  
轉速以指爪摘斷之或用葦刀子割之微有血出即  
活若舌下血出多者以燒亂髮灰同豬脂少許和  
塗之聖惠云看齒根有黃筋兩條以葦刀割兒上  
下唇與齒齦連處皆有一筋牽引若上唇筋緊即生  
上煉下唇筋緊即生下煉上煉生瘡滿頭或眉間如  
癬狀瘙癢不已復流黃汁至處生瘡下煉起腰背漸  
至四肢患亦如上若疾甚不治或頭面上下相通累  
年不輕又夭折或成大病是唯每日早晨拭口佳

刀法 卷之二 初月 三四



**浴兒法** 兒生三日以桑槐榆桃柳各取嫩枝三寸長者二三十節煎湯看冷熱入豬膽汁二三枚浴之浴湯用豬膽益母草不生瘡疥用金銀虎頭骨麝丹砂辟惡氣各忤驚瀧用桃梅李楮根葉解體熱温壯之病須浴時煮湯須不冷不熱於無風密室浴之勿令久浴訖以粉摩之或以光粉蚌粉撲身辟邪吉 紀用經浴法寅卯酉日吉壬午丁未癸巳凶不能上三日勿犯下三日二日五日七日浴小兒洗浴不可先斷臍帶候洗了方斷不致水濕傷臍可免臍風臍瘡等證用清油調髮灰傅臍洗兒不可用承打濕臍

**帶**

**斷臍法** 千金云臍不得以刀割隔單衣咬斷以煖氣呵七遍卽纏結所留帶致兒足趺上斷訖連臍帶中多有蟲急剔撥去不爾入臍成疾臍當長六寸長則傷肌短則傷臟不以時斷及按汁不盡暖氣漸微卽生寒令兒臍風 寶鑑論斷臍若用剪刀先於懷中令煖又水入臍多天鈞痛苦啼叫面青黑臍傷動令久不乾傷外風卽口噤不可救

**灸臍法** 聖惠云兒生一宿抱近明無風處看臍上有赤脉直上者卽於脉盡頭灸二壯赤散無患矣

刀割法

刀割法

三五



暴瘳法千金論治白練令柔軟方四寸新綿厚半寸  
與帛等合之暴瘳調其緩急急則吐覘二十日乃解  
若十許白怒啼必衣中有刺或瘳燥刺腹當更暴瘳  
冬時須閉戶下帳然火令溫暖換衣亦然仍以溫粉  
粉之

服藥下胎毒法心鑑曰古方書言兒始生落草服末  
粉朱砂白蜜黃連欲下胎毒今人率承用之不知今  
人稟受攝養與古人不同其藥乃傷脾敗陽之藥若  
與兒服後必生異證只宜用淡豆豉煎濃汁與三五  
口其毒自下又能助養脾氣消化乳食然古人之法

終不可湮沒今人用之而効者多或不至如心鑑所  
云者今次第列於左方

張煥云嬰兒初生第十日纔斷臍襁袍訖看兒形色  
若面紅潤色赤啼聲響快者宜用汞粉法良久有臍  
糞便下爲佳次用甘草法次用朱蜜法臨時更看形  
色若面色多青白啼聲不響即不須服次用牛黃法  
古方又有黃連法韭汁法豬乳法等在不看兒寒  
熱怯壯擇所宜而用之爾

甘草法用好原州甘草中指一節許拍碎以水二蜺  
殼煎一蜺殼以綿纏蘸令兒吮之若吐出惡汁爲佳



若服一蜆殼不吐即不須更服不問嬰兒虛實寒熱皆須服之服時後方吐後更與兩薛氏預以甘草細切少許臨產時以綿裹沸湯盞內覆溫收生之際以軟綿裹指蘸甘草汁拭其口次用黃連法朱蜜法黃連法集驗方初生兒惡汁留胸膈壅塞易生蘊熱驚癇瘡疔用好肥黃連數塊槌碎綿裹如妳頭狀湯內浸成黃汁拈擦一二點兒口中惡汁自下乳食便美未盡用空綿別浸黃連後以朱蜜間與之海藏方淨黃連壹錢水壹盞預先煎下待兒生未出聲時便用灌下以去腹中惡物臍屎兼解胎中蘊積熱毒

終身不生瘡又去臍風等病

韭汁法本草云兒初生與韭根汁灌之即吐出惡水聖惠方甘草後煖水浸韭子汁塗兒唇上乾又塗數次止不令入口

朱蜜法好朱砂一大豆許細研水飛煉赤蜜一蜆殼看稀稠和成膏每用一豆大乳汁化下時時滴口中三日內止三粒臨時更看形色若面色多青白啼聲不響即不須服

牛黃法千金方朱蜜竟與牛黃不獨益肝膽除熱定精神止驚辟惡氣又除百病張渙法真牛黃一塊

下胎毒法

三七



好蜜煉熟和成膏每服一豆大乳汁化時時滴口中  
形色不實者不宜多服若嬰兒胎熱或身體黃色宜  
多服之

**汞粉法**張煥方兒紅潤色赤啼聲響快者用汞粉半  
錢旋旋令兒吮之良久有臍糞便下為佳 寶鑑銀  
粉抹口舌上下左右兩頰然後飼朱蜜

**豬乳法**嬰兒初生至滿月內常時時旋取豬乳滴口  
中佳 豬兒飲母次便提後脚離乳急持之即得

**臍帶法**用本兒落下臍帶瓦上焙燥為末入辰砂黃  
連甘草各末五分和勻蜜拌做三五次塗乳母乳上

俟兒吞之必使一日夜吞盡次日惡毒皆從大便而  
出日後不但痘疹稀疏竟有不出痘者俟臍帶落下  
即便製服在六七日之間為妙其辰砂必須研極細  
末以甘草湯飛過任服無害此方一以解毒一以補  
養蓋臍帶乃有生初之河車也繫於母之命門兩腎  
之所主乃以腎補腎腎既充足即不受邪故無他日  
變黑歸腎之證亦無顛門不合之疾生一兒即得一  
兒真保生第一良法

**藏衣法**即胎 崔氏云兒衣清水洗勿令沙土草污又  
清酒洗之仍內錢一文在衣中盛新瓶內青綿裹瓶

下胎毒法 初十一



口密蓋置便宜處三日後依月吉地向陽高燥處入  
地三尺埋之瓶上土厚一尺七寸須牢築令兒長壽  
智慧若不謹為豬狗食令顛狂蟲蟻食令病惡瘡太  
鳥食令兵死近社廟令見鬼近深水汙池令溺死近  
故竈令驚傷近井傍令聾盲棄道路街巷令絕嗣當  
門戶令聲不出耳聾著水流下令青盲棄火裏令生  
爛瘡著林木頭令自絞死此忌須慎 每於天德月  
空處理之正月天德在二月空在丙王餘詳官木曆日若遇反支宜挂宅  
外福德上向陽高燥處待過月然後依法埋藏吉  
甲乙日生丙丁日藏丙丁日生戊巳日藏戊巳日生

庚辛日藏庚辛日生壬癸日藏吉

剃頭法集驗方云小兒初剃頭俱不擇日皆於滿月  
日剃之蓋風俗所尚前產婦未得出房於滿月即與  
兒俱出謂胎髮穢惡有觸神竈令小兒不安故於此  
日必剃頭而出凡剃頭就温煖避風處仍剃後須以  
杏仁參枚去皮尖研碎入薄荷參葉再口研却入生  
麻油參肆滴膩粉拌和頭上擦以避風邪免生瘡疥  
熱毒其後小兒亦宜此法

附方

海百壽散小兒初生未滿月已裏用之者老無瘡疥



黃連 壹兩

硃砂 壹錢

右水煎令老母拭去口涎淨灌下餘藥傾盆中浴兒遍身搽妙

顛頤兒初生日與平和飲子指迷兒生三日後與母服

人參

茯苓

甘草

升麻 各貳錢 伍分

水一盞煎一合半時時與之乳母忌油膩滿月及百晬加時冷加白朮熱加硝各半錢

# 生下胎疾

月內不測諸病

總論千金論曰芽兒出腹骨肉未斂肌肉未成猶尚是血凝則堅而成肌肉也又云如冰上之泡草頭之露夫初生一臘之內天地八風之邪豈能速害良由在胎之時母失愛護或勞動氣血相干或坐卧饑飽相役飲酒食肉冷熱相制恐怖驚撲血脉相亂蘊毒於內損傷胎氣故降生之後有胎熱胎寒胎肥胎怯胎驚胎黃諸證生焉外因浴洗拭口斷臍灸頤之不得法或綳絕驚恐乳哺寒溫之乖其宜致令噤口

俗法不能備

切斗

四



臍風鎖肚不乳等證病患致此亦難救療坐視其斃良可哀憫故黃帝云吾不能察其幼小謂別是一家調理耳用藥者必明消息形候審定生死察病患之淺深知藥性之寒溫而後庶乎少失也

**初生輒死**千金兒初生輒死視兒口中懸瘡前上齦有胞者翼云赤胞以指甲摘取頭決令潰去血勿令血入咽入咽殺兒慎之

**不能啼**三因云小兒初生氣絕不能啼者必是難產或冒寒所致急以綿絮包裹抱懷中未可斷臍帶且將胞衣置爐炭中燒之仍燃大紙條蘸油點火於臍

帶下薰之蓋臍帶連兒火薰時有火氣由臍入腹更以熱醋湯盪洗臍帶須臾氣回啼哭如常方可洗浴了卽斷臍帶嬰兒哭遲者以葱白細鞭背上卽啼水鑑方云胎風生下不能啼須使園中小葉葵搗取汁調熊膽末纔交入口免傾危看舌下法見前

兒生下地卽不啼哭不能吞乳奄奄如死者急看喉間懸瘡前腭上有一泡用指摘破以帛拭去惡血勿令嚥下卽能通聲吞乳

**眼不開**兒生眼閉口開常呻吟因受胎熱用涼五藏藥天竹黃散方見重舌及與母喫復以竹筒煎湯洗眼



小兒初生眼閉者由產母食熱物毒物致成斯疾治法當以熊膽少許蒸水洗眼上一日七次如三日不開用生地黄湯服仍須乳母服山茵陳湯凡初生小兒須洗令淨若洗不淨則穢汁浸漬於眼眥中使眼赤爛至長不瘥

生地黄湯 治初生小兒眼不開

乾地黄

赤芍藥

川芎

當歸 去蘆

瓜蒌根

甘草

右為細末少許用燈心煎湯調抹入口中速服四聖散 治嬰孩胎受熱毒生下兩目不開

燈心

黃連

秦皮

木賊

棗子 各半兩

右咬咀每服二錢水一盞煎七分澄清去查無時頻洗兩目自開

洗眼方

黃連

秦皮

燈心

大棗 各等分

右用竹筒煎湯

不乳謂初出胞胎而不吮乳也嬰兒初出胎時其聲未發急以手拭其口令惡血淨盡不得下咽即無他

治夫不乳

初生

四聖



病若拭口不全惡穢入腹則令腹滿氣短不能吮乳  
或產母取冷過度胎中受寒致令兒腹痛也宜用茯  
苓丸及木香檳榔散治之

茯苓丸

赤茯苓

川黃連去鬚

枳殼炒

右等分爲末煉蜜丸桐子大每服一九乳汁調下

治穢惡入腹令兒嘔吐不乳方

木香

乾薑生

茯苓

甘草

酸木瓜

丁香各等分

右爲麤末一捻水煎綿蘸滴與之

外臺方

乳兩合葱白一寸煎一兩沸去葱喫卽乳

聖惠人參丸

人參

龍膽

黃連

馬牙硝

甘草炙微赤

枳實麩炒微黃

右擣羅爲細末煉蜜丸如桐子乳汁研二九灌口

中日四五服差

朱砂丸 治三歲以下胃口閉不喫乳

朱砂

牛黃

麝香

丁香

甘草炙微赤

人參各壹分



肝疾

犀角

黃耆

石膏細研水飛

五靈脂各半兩

右搗羅研勻蜜丸如菽豆熟水下三九日四五服  
灸法兒生二七日內不吮乳多啼者客風中臍循流  
心脾灸承漿在下唇稜下宛宛中次灸頰車在耳下  
頰骨後炷如雀屎各七壯此非灸不療兒喉中噤  
咽乳不利灸旋璣三壯在天突下一寸陷者中  
**吐不止**錢初生下吐因穢惡下咽故也用木瓜丸主  
之凡初生急須拭淨口中否則啼聲一發穢物嚥下  
致生諸病田月裏生嘔先用朱砂丸下之如利後

用朱泥煎墜其邪氣使穢物自下而不嘔也

錢木瓜丸

木瓜

麝香

膩粉

木香

檳榔各等分

右同研細末麪糊丸如小黃米大每服一二丸甘  
草水下無時

薛堯兒初生之患多因乳母不慎七情不節厚味  
傳兒為病當審其因以調治其母前所用之藥恐  
臟腑脆嫩不能勝受用者審之

聖惠藿香散 治兒生至半月嘔逆不止

合矣不亦便

刀

五



聖藥 藿香

紫苑

洗去苗土 各壹分

甘草

炙赤 半兩

麥門冬

叁分 去心焙

桂心

半分

右為散每服一錢水一盞煎五分去滓溫綿點滴口中

**不小便**小兒初生不尿者多因在胎時母恣食噉熱毒之氣流入胎中兒飲其血是以生而臍腹腫脹如覺臍四旁有青黑氣色及口撮即不可救也如未有青黑色不飲乳者宜服葱乳湯

葱乳湯  
葱白三四寸四破之以乳汁半盞煎灌一方葱

生用搗爛人乳拌入兒口內再與乳吮嚙下即通  
**豆豉膏**

黑豆 壹勺

田螺 拾玖箇

葱 壹大把

右搗爛芭蕉汁調貼臍下

按觀丹溪治鄭廉使之子患淋病乃因父服下部熱藥遺毒在胎留於子之命門而然以紫雪和黃藥末為丸投之下如黍如粟者枕許而安則初生不尿症其當審因而處治不言可知也

**不大便**俗名鎖肚由胎中受熱熱毒壅盛結於肛門閉而不通無復滋潤所以如此至若第三日不通急

合 不大便

刀斗一

聖藥



令婦人以溫水漱口，吸啞兒前後心并臍下手足心  
共七處，凡四五次，仍以輕粉半錢，蜜少許，溫水化開，  
時時將少許服之，以通為度。如更不通，即是肛門內  
合當以物透而通之。金簪為上，玉簪次之。須刺入二  
寸許，以蘇合香丸納入孔中，糞出為快。若肚腹膨脹，  
不能乳食，作呻吟聲，至於一七難可望其生也。田  
氏治法：先用硬葱鍼紐肛門，如大便不下，後用牛黃  
散方見送朱砂丸，一時自見。

**大小便不通** 小兒初生腹脹欲絕，大小便不通，亦如  
前法。吸啞，背心手足心臍下七處，以紅赤色為

度，須臾自通。

**垂羅千金** 云：小兒出腹六七日後，其血氣收斂成肉，  
則口舌喉頰裏清淨也。若喉裏舌上有物如蘆薹盛  
水狀者，若懸癰有脹起者，可以綿纏長鍼留以處，如  
粟米許大，以刺決之，令氣泄去青黃赤血汁也。一刺  
之止，消息一日未消者，來日又刺之，不過三刺自消。  
盡餘小小未消，三刺亦止，自然得消也。有著舌下如  
此者，名重舌，有著頰裏及上腭如此者，名重腭，有著  
齒斷上者，名重斷，皆刺去血汁也。刺後用鹽湯洗  
拭，急用如聖散或壹字散搽刷。



如聖散

鉛霜

朱砂水飛曝乾

真牛黃

太陰玄精石

右四味各研極細秤准各二錢五分拌勻入白龍腦五分再研勻每用藥抄壹字至半錢止搽兒口中時時用

壹字散

朱砂

鵬砂各半錢

龍腦

朴硝各壹字

右為極細末用蜜調少許鵬翎蘸刷口內嚥下無

妨

重舌

巢氏云心候於舌而主血脾絡脉又出舌下心火脾土二藏子母也有熱即血氣俱盛其狀附舌下近舌根形如舌而短名重舌 指爪摘斷及葦刀子割法見前拭口法條 惠眼鵝口重舌重齶口瘡皆上焦熱因受胎時大受極熱急以雞內金為末乾搽口內及朱砂膏地黃膏輪流搽之仍服天竺黃散地黃膏

鬱金

皂莢水煮豆粉各半兩

甘草壹分

馬牙硝

研壹錢



生地黄汁蜂蜜對合熬成膏和藥每服兩皂子大  
香熟水含化或鵝翎掃口內

金朱飲 治驚壯熱傷寒伏熱上焦虛熱重舌口鼻

生瘡致赤眼方本名天竺黃散

川鬱金細者如膽壯佳

天竺黃

甘草炙

馬牙硝各半

朱砂壹分

蟬殼拾肆筒水麝香少許

右為末每服半錢至一錢蜜湯調下

重寶重勝千金治法總前垂癰門 刺去血汗後鹽

湯洗拭壹字散塗刷法同前條 茅先生云心熱墜

滯先用朱砂膏見驚積門塗舌上後用牛黃膏見隔熱門

聖惠牛黃散一方無前三味有玄明粉

牛黃

白龍腦

朱砂各壹分

鉛霜半兩

太陰玄精石壹兩

右細研為散先於腫處以鍼鉸破出血鹽湯洗拭  
口後摻藥神效

口中有蟲外臺療兒喫妳不穩七日以來壯熱顏色

赤鼻孔黃恐作撮口及牙關蟲似蝸牛亦似黃頭白

蚌螺用竹瀝半合和少許牛黃服差 又豬肉拭口

即蟲出

台天口中蟲

刀斗

四九



禁風巢氏云兒口內忽結聚生舌上如黍不能取乳  
名噤由在胎熱入藏心偏受熱 聖惠初生兒須防  
三病一撮口二著噤三臍風皆急病著噤尤甚過一  
臍方免牙關緊急喫乳不穩啼聲漸小口吐涎沫  
眼人見大小便通以為冷熱所得不知病在喉舌狀  
亦極重善救療者十不得三四依將護法防於事先  
必無此患 但有此證急看兒上腭有點子先以指  
甲輕輕刮破次服定命散辰砂全蝎散之類如口噤  
不開服諸藥不效者生南星去皮臍研為極細末龍  
腦少許合和用指蘸生薑汁於大牙根上擦之立開

凡臍風撮口噤風三者雖異其受病之源則一也木  
抵裏氣鬱結壅閉不通竝宜服煎豆豉汁與喫取  
胎毒千金云小兒初生其氣高盛若有微患即須下  
之若不時下則成太疾難為療矣紫霜丸量而與之  
定命散 治初生兒口噤不乳

蟬蛻貳枚 去毒 全蝎貳枚 去毒

右為極細末入輕粉少許和研用乳汁乳遠調化服

辰砂全蝎散 治初生兒口噤

辰砂水飛 半錢 全蝎頭尾全去毒 貳拾枚 炙

合天 藥風 刀斗 五子



鵬砂

龍腦

麝香各壹字

右為極細末用乳母唾調塗口唇裏及牙齒上或用豬乳少許調入口內

紫霜丸方見變蒸

張煥立聖散

治妊娠之時母服熱藥過多或食炙

煖熱物等致令嬰兒初生下口噤不乳口舌上瘡

如黍粟大噉嗑多啼名曰口噤

乾蜘蛛壹箇去口足以新竹火上炙取油

乾蝎梢朱箇未壹 膩粉未壹錢

右件並同研極細每服壹字乳泔調時時滴口中

千金治口噤赤者心噤白者肺噤

雞糞白棗大綿裹水一合煮一沸分再服聖惠用豆大參

又雀糞四枚末之著乳頭飲兒大十枚

外臺著噤病在咽如麻豆許令兒吐沫不乳

水銀如黍與服下咽便愈以意量之不過小麻子

許事急用

食療茶苺研汁灌口中死亦生生下濕莖端三葉花黃子赤似覆盆子

聖惠川椒一兩搜麩裏三角肉樣燒黃熟以綿蓋兒

口搯去尖如筋頭使椒氣入口効未覺再作

合疾藥風

切十一

五十一



蜈蚣方 治小兒口噤不開不能吮乳

赤脚蜈蚣 半條去足炙 麝香 少許

右以豬乳和之蓋豬乳能獨主小兒口噤不開

蜘蛛方 治小兒口噤不開不能吮乳

蜘蛛 壹枚去足及口

用豬乳一合和為三服徐徐灌之神妙入麝香治

牙疳極好

牛涎方

取東行牛口沫塗小兒口及額上即效

治噤搐鼻法用鬱金藜蘆瓜蒂為末水調搐之

茅先生云兒生一百廿日內犯風噤 病同 因母受胎

有疾故受毒氣生來血氣未調又被風邪所擊致之

治法先與奪命散吐風涎 見急慢 後下醒脾散 見氣

不和門一見 夾勻氣散與服 見胃氣 又下雄朱散 見赤

白夾朱砂膏 見急驚 常服即愈如手捉拳噤口不開死

鵝口巢氏云兒初生口裏白屑滿舌上如鵝之口故

名由在胎受穀氣盛心脾熱氣薰發於口 治用髮

纏指頭蘸井花水揩拭之睡時黃丹煨出火氣摻於

舌上 如用前法其舌上白屑不脫可煮栗荻汁令

濃以綿纏指頭拭之若春夏無栗荻可煮栗木皮如



用井花水法 簡要用牙硝細研於舌上搽之日三  
五度 祕錄用桑白皮汁和胡粉傅之 雞腔黃  
皮燒末水和服

張渙保命散 治嬰兒初生七日內胎毒者其舌上  
有白屑如米連舌下有膜如石榴子大令兒語不  
發名曰鵝口病

白礬 燒灰

朱砂 水飛各貳錢半

馬牙硝 半兩

右各研極細再同研每服壹字取白鵝糞以水攪  
取汁調塗舌上頰內未用藥時先以手指纏亂  
髮揩拭舌上垢然後使藥傅之

茅先生論兒喉中壅一塊肉瘤閉却為喉痺身太熱  
舌硬不轉為木舌口開滿口黃如膏名鵝口三候皆  
熱甚生風風壅熱毒至此為實熱先用三解牛黃散  
見實微與通吐惡涎後用勻氣散及用天竺  
黃散 見重舌門夾牛黃膏 見發熱門與服愈如喉響似鋸及眼  
視面青黑不效食死候

撮口 外證舌強唇青聚口撮面面目黃赤氣息喘急  
啼聲不出飲乳有妨若口出白沫而四肢冷者不可  
救療其或肚脹青筋吊腸疝內氣引痛皆腸胃鬱  
結不通致之治法貴乎疎利 辰砂膏是也 初生一臘乃



免也七日

千金云小兒初出腹骨肉未斂肌肉猶是血也血凝乃堅成肌肉耳其血沮敗不成肌肉則使面目繞鼻口左右悉黃而啼閉目聚口撮面口中乾燥四肢不能伸縮者皆是血脈不斂也多不育若有如此者皆宜與龍膽湯也

龍膽湯方 治嬰孩小兒胎驚月內氣盛發熱臍風

撮口壯熱

龍膽草

黃芩炒

釣藤

桔梗去蘆炒

柴胡去蘆

赤芍藥炒

茯苓去皮

甘草炙各伍錢

蟬蛻貳枚土炙

大黃壹分紙裏煨

右合研為極細末用棗去核煎或加防風去蘆麥門冬去心以導心熱食前調服

張渙云嬰兒胎氣挾熱亦因母有邪熱傳染或生下

洗浴當風襁褓失度致令嬰兒啼聲不出乳哺艱難

名曰撮口不開病七日之內尤甚急風散主之

急風散方

蛇蛻皮微炒

釣藤

乾蝎稍各壹分搗羅為細末

朱砂壹分細研水飛

好麝香

真牛黃各半錢並研極細

急風散

急風散

急風散



用砂

右件都拌勻再研為細末每服壹字取竹瀝一兩  
點同乳汁調下

辰砂殭蠶散 治初生撮口

辰砂水飛半錢 殭蠶真的去絲壹錢 蛇蛻皮炒壹錢

麝香研半錢

右為極細末少許用蜜調傅唇口

撮風散 治小兒撮口

赤脚蜈蚣半條 釣藤貳錢 朱砂壹錢

直殭蠶焙 全蝎各壹錢 麝香壹字

右為末每服一字取竹瀝調下竹瀝解熱極好

辰砂膏

辰砂叁錢 鵬砂 馬牙硝各壹錢

玄明粉貳錢 全蝎 真珠末各壹錢

麝香壹字

右為末和棗同好單包起自然成膏每服一字或  
一豆許治諸驚用金銀薄荷湯下潮熱甘草湯下  
月內嬰兒用乳汁調傅妳上令吮下

臍風鎖口方

金頭蜈蚣壹箇 蝎梢伍箇 直殭蠶柒箇

瞿麥半錢

治疾撮

刀針

五五



右為末每十字吹入鼻中啼則可用薄荷湯調下  
一字然後服千金龍膽湯朱銀丸

殭蠶方

直殭蠶貳枚去嘴略炒為末調傅唇口中

甘草方 治小兒撮口取吐

甘草 壹錢

右煎服令吐出痰涎即以豬乳點入口中即差

臍風千金有臍風臍濕臍瘡二者皆因斷臍後為風  
濕傷而成夫風入臍臍腫腹脹四肢不利多啼不能  
乳甚者發搐為臍風腫濕經久不乾為臍濕風濕相

搏令臍生瘡久不差為臍瘡有一不巳入於經脈多  
變為癰爛成作癩治 臍風者謂斷臍之後被水濕  
風冷所乘風濕之氣入於臍而流入心脾遂令肚腹  
脹滿臍腫身體重著四肢柔直日夜多啼不能吮乳  
甚則發為風搐若臍邊青黑撮口不開是為內搐不  
治爪甲黑者即死其或熱在胸堂伸縮努氣亦令臍  
腫宜千金龍膽湯主之方見前條 錢氏云小兒洗浴拭  
臍不乾風入作瘡令兒撮口甚者是脾虛胃氣不和  
宜調氣益黃散主之方見臍部 類萃云宜先用控痰飲  
吐風痰次用益脾散和脾又用辰砂膏利驚即愈或

治臍風

方見

五六一



手足攣拳，禁口不開者，不治。曾氏法：先投劫風膏，次以五苓散加寬氣飲入薑汁，葱白燈心煎湯調服，與解風痰及用一字金煎荊芥湯，或薄荷湯調抹口內，證輕即快。如稟賦充實，發熱有痰，驚搐，投黑白飲溫蜜湯，空心調下，微泄似茶褐色，二三行進，白芍藥湯水薑棗煎服，常用此法，亦妙。若臍凸音吐緊微有青色，口撮不開，肝風盛而脾土受制，不可施治。凡有此候，百無一治，縱使得安，亦非長壽。控痰散

蝎尾

銅青各半錢

朱砂壹錢

膩粉壹字

麝香少許

右為末，每服一字，臘茶清調下，先吐風痰，然後和胃，或有段甘草方吐痰，隨輕重用。益脾散

白茯苓

人參

草菓煨

木香濕紙裹煨

甘草

陳皮

厚朴薑製

紫蘇子炒各等分

右為末，每服一錢，薑棗水煎。

辰砂膏方見前

宣風散 治初生兒因斷臍後外傷風濕唇青口撮

治風濕

刀圭

五七



多啼不乳口出白沫

全蝎貳拾壹箇頭尾全去毒用麝香壹小字

右研為極細末用半字金銀煎湯或麥門冬去心煎湯調化食遠服

防風散 治初生兒臍風

防風去蘆

羌活

黃耆

當歸

川白芷

甘草各半

右為極細末少許用燈心麥門冬去心煎湯調化不拘時候服

劫風膏 治急慢驚搐臍風撮口牙關緊閉痰涎壅

盛咽喉腫痛

歲靈仙去蘆壹兩半細剉焙研為末

右用皂莢叁兩去皮弦槌損擲溫水一盃綃濾過慢火熬若稀糊入醇醋半兩再熬三五沸去火候冷用前藥末亭分乳鉢內杵勻丸芡實大先用鹽梅肉擦牙根次以此膏一丸或二丸溫白湯濃調抹入左右牙關內即開續進別藥熬時得瓦器為上銀器尤佳及解風痰壅盛淡薑湯調化無時少與含嚙咽喉腫痛溫茶清調下或薄荷湯

五苓散

治天麻風

刀手一

五苓



實氣飲俱驚

一字金 治初生嬰孩一七之外欲成臍風撮口及  
卒中急慢驚風牙關緊閉壅上痰涎

僵蠶炒去絲

葳靈仙去蘆各肆錢

明白礬生用貳錢

細辛去葉壹錢

甘草生用貳錢半

右剉焙為末每服壹字至半錢薑汁沸湯調勻以  
指抹入牙關內治卒中急慢驚證口禁不開用鹽  
梅湯調擦上下牙根二處

黑白飲 治臍風氣實者及急驚壯熱發搐

黑牽牛半生半炒

白牽牛半生半炒

大黃生用

陳皮去白

檳榔各半兩

甘草炙叁錢

玄明粉貳錢

右除檳榔不過火餘五味或曬或焙仍合檳榔為  
末同玄明粉入乳鉢內再杵勻每服半錢至一錢  
溫蜜湯調化空心投服或無時此藥新合最妙久  
則効遲

白芍藥湯方見

張渙封臍散 治嬰兒初生因乳母不謹洗浴水入  
臍中或兒尿在褌袍之內濕氣傷於臍中或解脫  
風冷邪氣所乘令兒臍腫多啼不能乳哺名臍風



病宜急用此

好川當歸 半兩洗 焙乾

亂髮 壹錢燒 灰存性

天漿子 叁箇 微炒

右件同搗羅為細末入麝香壹字拌勻用藥壹字至半錢傳臍中時時用

三因小兒初生一七日內忽患臍風撮口百無一効坐視其死良可憫也有一法世罕知者凡患此證者兒齒齦上有小泡子如粟米狀以温水蘸熟帛裹指輕輕擦破即開口便安不藥神効小兒初生臍風撮口諸藥不効者灸然谷穴在內踝

前起太骨下陷中可灸三壯鍼入三分不宜見血立効臍風目上撞刺絲竹空臍腫灸腰對臍骨節間三壯炷如麥臍風撮口在百日內多不治

臍濕嬰兒臍中腫濕經久不差若至百日即危急宜速療之顛顛經治臍濕方枯礬龍骨為末入麝少許拭臍乾用避風絳帛灰傳臍中乾蝦蟆牡蠣各壹枚燒灰細研少許傳臍中日三兩上差封臍散

甌帶灰

亂髮灰

白薑灰



紅帛灰四灰不得

白歛夾別灰 當歸頭

五倍子 血竭

赤石脂煨 海螵蛸

臙脂各半錢

右合研為極細末濕乾傳乾則清油塗忌生水浴

臙

又方

紅綿灰

黃牛糞灰

龍骨

髮灰

乾臙脂各半錢

右為極細末濕乾摻乾清油塗臙  
又方 治臙內出水汗不乾

當歸頭去蘆 綿縛臙帶 燒灰壹錢或舊錦

右為極細末入麝香一小字同研少許乾摻臙

錢乙藥墨散

釜下墨

亂髮灰各等分

右為細末每用少許傅之

張煥胡粉散

乾薑燒灰

白石脂燒存性

右各等分研極細再同研勻用藥一字至半錢傅



用藥

臍中時時用

莊氣臍大如栗虛腫而軟疼用竹瀝塗日數上消  
兒臍濕淹破屋爛草為末頻摻効

臍瘡巢氏曰因浴兒水入臍中或尿濕襁袍致臍中  
受濕腫爛成瘡或解脫為風邪所襲入於經絡則成  
風癩若臍腫不乾久則發搖肘後乾蝦蟆燒灰傅  
日三四佳聖惠有枯礬

異功散 治臍中瘡

龍骨煨

薄荷葉

蛇床子各貳錢

輕粉半錢

右為極細末少許乾摻臍

龍骨散 治臍中瘡

龍骨煨

輕粉各半錢

黃連去鬚壹錢半

右為極細末少許乾摻臍

治兒滿月啼叫臍中出血用白石脂炒研極細末乾

摻

治兒因剪臍傷於外風致臍瘡不乾方

白明礬煨

龍骨煨各半錢

右研為極細末乾摻

張渙金黃散 治臍瘡久不差風氣傳於經絡變為

治矣陰陽

切寸

六三



癩疾

川黃連半貳錢

胡粉

龍骨燒灰各壹錢

右各另研復合研為細末每用少許傅臍中時時用

**預防**初生兒臍風着噤撮口最為急證十難救一預治之法宜時用軟帛包指拭口中牙齦上有筋兩條使用葦刀輕輕割斷以豬乳點

黃連去鬚半錢

豆豉貳拾肆粒

甘草壹寸

葱白貳寸

右用童子小便煎綿蘸拭口中

抱兒向明看臍上有赤脉直上便赤脉頭上灸三壯者生

**臍突**初生之兒有熱在胸堂則頻頻伸引呃呃作聲努脹其氣抑入根本之中所以臍突腫赤虛大可畏無識之夫將謂斷臍不利而使之然者非也此由胎中母多驚悸或恣食熱毒之物所致宜對症與藥其熱自散其臍歸本不必以藥傳之恐反為害曾氏曰臍突一證又非臍風此亦因初生洗浴繫臍不緊穢水侵入於內產後旬日外臍忽光澤如吹捻動微響間或驚悸作啼治用白芍藥湯加薏苡仁水煎空



心温服次以外消散塗貼自然平復

白芍藥湯 見前

外消散 治嬰孩初生旬日外臍突或痛或不痛痛

則啼聲不已及療小兒因感濕熱搏致陰器膚囊

浮腫 甲

大黃

牡蠣 各半兩

朴硝 貳錢

右前二味剉焙為末仍入朴硝乳鉢內同杵勻抄一錢或二錢取田螺淨洗再以水半盞活過一宿去螺用水調塗腫處即消其螺仍放水中勿害之昔賢有曰殺生救生去生遠矣物命雖微亦可戒

也治陰器膚囊腫車前子煎湯候冷調傅

二豆散 治嬰孩小兒臍突腫

赤小豆 不去皮

豆豉

天南星 去皮

白欬 各壹錢

右為極細末半錢用芭蕉自然汁調傅臍四傍二日一次二日二次若得小腑下白即安

胎驚 小兒壯熱吐哕心神不寧手足抽掣身體強直

眼目反張是胎驚風證 胎驚者以妊婦調攝乖常

飲酒嗜慾忿怒驚撲母有所觸胎必感之或外挾風

邪有傷於胎故子乘母氣生下即病也其候月內壯

胎驚

胎驚

胎驚



驚翻眼握拳噤口咬牙身腰強直涎潮嘔吐搐掣驚  
啼腮縮頰開或頰赤或面青眼合凡胎風眼合不可  
藥其有搭眼噤口之類亦此一種之所發也視其眉  
間氣色赤而鮮碧者可治若黯青黑者不治虎口指  
紋曲入裏者可治反出外者不治先宜解散風邪利  
驚化痰調氣及貼頰法甚則以朱銀丸利之若面青  
拳搐用保命丹通治急慢驚釣藤散方見慢驚全蝎散方見偏  
類大抵小兒臟腑脆弱不可輒用銀粉鎮墜之劑如  
遇此候急取豬乳細研牛黃麝香各少許調抹入口  
中仍服導赤散以瀉肝之子即愈矣石壁經歌未

出胎中一月來母驚成患子臨胎腰直哭時先口撮  
面青拳搐縮雙腮眼閉咬牙筋脉急受氣時若陰氣  
消甚若日陽氣弱胎難驚落手足細肌肉瘦皆不盡天年  
微汗次治驚驚調氣乳任喚千聲眼不開退却風涎為  
治療涎去驚邪自不回失治則日瞋先治驚則吐瀉  
治恐汗不出生別候鳳髓烏錢百日内發搐真者  
犀丸次生銀丸見急慢驚門  
不過三兩次必死假者頻發不為重真者内生驚癩  
假者外傷風冷蓋血氣未實不能勝任乃發搐也欲  
知假者口中氣出熱治之可發散大青膏主之可用  
塗頰法田月裏生驚急取豬乳細研辰砂牛黃各



少許調抹口中神效乳母服防風通聖散三劑其驚  
自消。手小兒未滿月驚搐似中風欲死者用辰砂  
以新汲水濃磨汁塗五心上最效。湯治胎癩驚風  
皆可服。全蝎頭尾全者用生薄荷葉包外以麻線纏  
火上炙燥爲末別研生硃麝香各少許煎麥門冬湯  
調下。薛一小兒患胎驚諸藥不應。用紫河車研爛  
如泥每用錢許乳化服之。更以十全大補湯加釣藤  
鈎漏蘆與母服。兩月餘舉發漸輕。服年餘舉發漸稀。  
服年餘不再發。至出痘後復發。取紫河車研爛入糯  
米粉丸。小豆大。每服百丸。以乳送下。服二具全瘥。畢

姻又發仍用前丸及十全大補湯六味丸加當歸黃  
耆肉桂五味子。年餘喜其能遠。惟幕得痊後因勞役  
更作。又用前丸及十全大補等藥。不應。用太劑獨參  
湯。服數斤。然後舉發稍緩。乃用人參貳兩。附子壹錢。  
數服頓止。仍用前藥。間用獨參湯而痊。一小兒患  
胎驚。用紫河車丸及十全大補湯及釣藤膏而愈。畢  
姻後復發。用太劑獨參湯六味丸加五味子黃耆當  
歸煎服。半載舉發稍輕。年餘不再發。後每勞役怒氣  
仍發。即用前藥。隨愈。又傷寒愈後復作虛症。悉具。莫  
能名狀。用紫河車二具。獨參煎湯十餘斤。而痊。後患



傷風咳嗽咽乾內熱用六味地黃丸料加五味子煎服及十全大補湯而痊  
獨活湯治胎驚發散風邪

獨活

羌活各壹分

檳榔

天麻

麻黃去籠

甘草各半

右剉散每服半錢煎服於內加南星末蜜調下可貼額用

驅風散

胡黃連貳錢

全蝎去毒

犀角

天竺黃

麻黃去籠各半錢

麝香壹字

右為細末用乳汁調化食遠服

右二方發散之劑實有表證方可用之

青金丸治嬰孩小兒解散胎熱化痰涎鎮驚邪

人參去蘆

天麻煨

茯神去木

白附子炮

牛膽南星炒各貳錢

甘草炙壹錢半

青黛壹錢

朱砂水飛半錢

麝香壹字

右為極細末煉白蜜圓如梧桐子大用釣藤皂莢子煎湯研化不拘時候服

太乙散治芽兒胎驚病瘥亦宜常服

天漿子去殼微炒

南星

白附子各微炮

治矣胎驚

微炒

各微



天麻

全蝎

防風

朱砂各壹錢

茯苓各貳錢

麝香少許

右為末每服半錢乳汁化下張煥方天漿蝎梢各貳拾壹箇防風天麻朱砂各半兩麝香壹錢無茯苓白朮

參蝎散 治小兒胎驚定心神

天漿子

天竺黃

人參

朱砂

全蝎

天麻

蟬蛻各等分

麝香少許

右為末煉蜜丸桐子大每服一丸金銀湯下

豬乳膏 治小兒諸驚胎瘤

全蝎壹箇

琥珀

朱砂少許

右為末每服一字麥門冬煎湯調下

朱銀丸 治小兒胎風壯熱痰盛翻眼口禁取下胎

中蘊受之毒亦治驚積但量與之

水銀壹錢蒸棗研如泥

白附子壹錢

全蝎

南星

朱砂各壹錢

天漿子

蘆薈

牛黃各半兩

鉛霜半錢和米銀煨研

腦壹字

麝香少許

直僵蠶炒

右為末煉蜜丸桐子大薄荷湯化下

治疾胎驚

刀

朱



張煥聖星丹 諸癩皆宜服之曾經大効

天南星一般大者四十九箇端午取活蝎四十  
九箇瓦器盛鹽泥固濟弔靜室中臘白取出揀  
南星蝎蜇着處有小竅子者其餘不用只將蝎  
蜇南星以酒浸一宿焙研細末次用

牛黃 麝香 龍腦 各壹錢

辰砂 細研水飛 貳錢半

右件再一處研勻薑汁和桐子大服一粒至二粒  
人參薄荷湯化下

白金散 治諸癩潮發不省者

白僵蠶 半兩湯洗炒微黃 天竺黃 貳錢

牛黃 壹錢 麝香 龍腦 各半

細研拌勻每服半錢薑汁調放温灌之

烏金膏 治胎癩潮發頻併

烏梢蛇 壹條取淨肉 蠶紙 壹張

蟬殼 全蝎 朱砂 飛各

金箔 貳拾 龍腦 麝香 各半

右各取細末研勻蜜和如皂子每服壹粒人參薄  
荷湯化下

天南星煎 治胎癩潮發遲省



天南星炮

白附子

白花蛇酒浸去皮骨炙

黃各壹兩

乾蝎炒

天麻各半兩

已上搗羅為細末用好酒兩大盞慢火熬不住

手攪以酒盡為度次用

朱砂細研水飛半兩膩粉貳錢五分

牛黃

麝香各半龍腦各半

細研入膏內和如皂子每服一粒竹瀝化下無時

祛風散治胎瘤多啼叫

胡黃連半兩

全蝎

犀角

天竺黃

麻黃去節各貳錢五分

右各取細末和勻每服半錢入麝一字乳汁調下

鐵粉散驚風面赤口乾大便不利尤宜服

鐵粉半兩

鬱金

牛黃

真珠

胡黃連各貳錢五分

各研細拌勻每服一字温蜜湯調下

羌活膏治胎瘤昏困不省

羌活

獨活各壹兩

天麻

全蝎

人參去蘆

白殭蠶微炒各半兩

烏蛇肉壹兩酒浸一宿焙

右搗羅為細末煉蜜和膏每服皂子大麝香荆芥



湯化下

麝香膏 治胎瀉不得安臥

麝香 研

牛黃 研

白附子

蠶蛾 微炒

白殭蠶 微炒各貳錢伍分

全蝎 貳拾壹箇

右取淨末更研細蜜和膏如皂子每服一粒人參  
荆芥湯化下

胎瀉 曾胎瀉者因未產前腹中被驚或母食酸鹹過多或為七情所汨致傷胎氣兒生百日内有者是也  
發時心不寧面微黃氣逆痰作目上視身反張啼聲

不出先用參蘇飲和解次以不驚丹或琥珀抱龍丸  
間投輕則可愈重者難全

參蘇飲 發熱

不驚丹 驚

琥珀抱龍丸 驚

胎風 小兒初生其身有如湯燄火傷者此皆乳母過

食膏粱所致也其母宜服清胃散 牙方見雜病 及逍遙

散 方見女科 以清其氣血兒亦飲數滴可也身無

皮膚而不嫩赤者皆由產母脾氣不足也用粳米粉

傅之嫩赤發熱者皆由產母胃中火盛也用石膏傅

之經謂脾主肌肉肺主皮毛故知病脾肺也如腦額

胎疾 胎風

胎風

胎風



生瘡者火土相合遂成濕熱下流攻擊腎水也難治如脚土有瘡者陰虛火盛也此不滿五歲而瘡如未滿月而撮口握拳腰軟如隨者此肝腎中邪勝正弱所致也二日內必不治如男指向裏女指向外尚可治眉紅亦不可治可治者用全蝎散方見口噤釣藤散方見驚等類治之若因大病虧損胃氣而諸臟虛弱所致者用補中益氣湯方見虛羸錢氏地黄丸方見腎藏若面唇赤色正屬腎水不足肝經陰虛火動而内生風熱爾當滋腎水以制陽光其身軟者內稟氣不足肌肉未堅也當參五軟而施治之 聖惠所云胎風原與胎驚

混濫故此不取

**胎驚**兒在胎中母多驚悸或因食熱毒之物降生之後旬日之間兒多虛痰氣急喘滿眼閉目赤目胞浮腫神困呵欠呢呢作聲遍體壯熱小便赤色大便不通時復驚煩此因胎中受熱或悞服溫劑致令熱蓄於內薰蒸胎氣故有此證若經久不治則鵝口重舌木舌赤紫丹瘤自此而生宜先以木通散煎與母服使入於乳令兒飲之通心氣解煩熱然後以四聖散溫洗兩目目開進地黃膏天竺黃散及牛夢湯當歸散亦令母服凡有胎疾不可求速效當先令乳母服

胎疾

胎驚

三



藥使藥過乳漸次解之百無一失若即以涼藥攻之  
 必生他病乳母仍忌辛辣酒麪庶易得安不致反覆  
 生地黃湯湯治小兒在胎時因母有熱或恣飲酒  
 麪熱毒之物傳於胎中令兒生下面赤眼閉身體  
 壯熱哭聲不止口熱如湯乃胎熱之候也  
 當歸 赤芍藥 川芎 栝藹根  
 右件等分咬咀每服半兩水一盞煎六分產婦亦  
 可服以此少抹入兒口中  
 水通散 主小兒上膈熱心府閉諸瘡丹毒母子同

服

木通

地蓄篇各半

大黃

甘草

赤茯苓各參錢

瞿麥

滑石

山梔子

車前子

黃芩各貳錢半

右水一鍾燈心三莖或入薄荷同煎

釀乳法

豬苓去黑皮

澤瀉

赤茯苓去皮

天花粉

茵陳

生甘草

生地黃

山梔去殼

合

四

七



胎毒  
右劉散用水煎食後令乳母捏去宿乳却服此藥  
甘豆湯 治小兒胎熱

甘草 壹錢  
黑豆 貳錢  
淡竹葉 柒莖

右吹咀用水一鍾入燈心七莖煎不拘時候服

四聖散 主芽兒胎受熱毒生下兩目不開

燈心  
黃連  
秦皮

木賊  
棗子 各半

右水一鍾煎澄清去渣無時起洗兩目自開後服

地黃膏

地黃膏 治胎熱

山梔仁  
菜豆粉 各壹兩半  
粉草 陸錢

右為末用生地黃爛杵壹兩半和好蜜壹兩半以

薄瓦器盛在銅銚中煮成膏如稀糊相似候冷停

分入前藥末同在乳鉢內再研勻茶實大每以半

丸麥門冬湯化服

天竺黃散 見口  
牛蒡湯 見咽

當歸散 見潮熱

清胃散 見雜病  
薛氏治胎熱用此

胎寒 嬰兒初生百日内覺口冷腹痛身起寒粟時發

戰慄曲足握拳晝夜啼哭不色或口禁不開名曰胎



胎疾 寒其證在胎時母因腹痛而致產經云胎寒多腹痛  
亦有產婦喜啖甘肥生冷時果或胎前外感風寒暑  
濕治以涼藥內傷胎氣則生後昏昏多睡間或嘔乳  
瀉白若不早治必成慢驚慢脾凡有此候宜以冲和  
散當歸散合和水煨薑煎服使之微泄泄行進勻氣  
散調補泄止氣勻神安痛定手足舒伸次用參苓白  
朮散以養胃氣白芍藥湯去其寒濕乳母宜節生冷  
飲食庶易瘥也 又有手足稍冷唇面微青額上汗  
出不顧乳食至夜多啼頗似前證但無口冷寒戰名  
曰藏寒其疾夜重日輕腹痛腸鳴泄瀉清水間有不

泄者此證亦在百日內有之皆因臨產在地稍久冷  
氣侵逼或以凉水參湯洗兒或斷臍帶短而又結縛  
不緊為寒氣所傷如此宜以白芍藥湯及冲和飲加  
鹽炒茴香茱萸水薑煎服并乳母同服 湯小兒胎  
中有寒生下不能將護再傷於風其候面色青白四  
肢逆冷手足顫動口噤不開乃胎寒之故或寒乘虛  
入藏作腹疼盤腸內疝 治法詳寒  
冲和飲 方見  
白芍藥湯 見  
參苓白朮散 見  
當歸散 方見  
勻氣散 見



異功散 方見

薛氏治胎寒用此

胎肥胎怯 錢氏曰胎實面紅目黑睛多者善笑胎怯面黃目黑睛少白睛多者多哭更別父母肥瘦肥不可生瘦瘦不可生肥也

胎肥者生下肌肉厚遍身血色紅滿月以後漸漸羸瘦目白睛粉紅色五心煩熱大便難時時生涎浴體法主之

- 天麻 貳錢
- 蝎尾 去毒
- 硃砂 各伍分
- 麝香 壹字
- 烏蛇肉 酒浸焙乾為末
- 白礬 各叁錢
- 青黛 叁錢

右研勻每用參錢水參碗桃枝壹握并葉伍柴枝同煎至十沸温熱浴之勿浴背

大連翹飲 治胎熱臍風小便不通及諸般瘡毒

- 連翹
- 瞿麥
- 荆芥
- 木通
- 赤芍藥
- 當歸
- 防風
- 柴胡
- 滑石
- 蟬殼
- 甘草 炒各壹錢
- 山梔子
- 黃芩 各半錢

右為末每服二錢加紫草水煎熱甚加大黃更詳證加減



薛氏曰胎肥乃受母胃熱所致兒用浴體法以疎通其腠理乳母服大連翹飲

胎怯者生下面無精光肌肉薄大便白水身無血色時時哽氣多噓目無精采亦宜以浴體法主之 初虞世曰母氣不足則羸瘦而肉薄父精不足則解顛眼白多

**胎黃**小兒生下遍體面目皆黃狀如金色身上壯熱大便不通小便如梔汗乳食不思啼哭不止此胎黃之候皆因乳母受濕熱而傳於胎也凡有此證母子皆宜服地黃湯及地黃飲子有生下百日及半週不

因病後身微黃者胃熱也若自生而身黃者胎疸也經云諸疸皆熱色深黃者是也犀角散主之若淡黃兼白者胃怯也白朮散主之

生地黃湯 治小兒生下胎黃

生地黃 赤芍藥 川芎

當歸 各等分

右以咀每服半兩水煎乳母服時時少抹入兒口中

地黃湯

生地黃 赤芍藥 天花粉



赤茯苓去皮

川芎

當歸去蘆

豬苓

澤瀉

甘草

茵陳各等分

右劉散用水煎食前服

地黃飲子

治小兒生下滿身面目皆黃狀如金色或面赤身熱眼閉不開大便不通小便如梔子汁滿身生瘡

生地黄

赤芍藥各貳錢

羌活去蘆

當歸去蘆

甘草壹錢

右為極細末用燈心煎湯食前服乳母宜服仍忌

酒麪五辛之物

犀角散 治小兒胎黃一身盡黃

犀角

茵陳

栝萋根

升麻煨

甘草

龍膽草

生地黄

寒水石煨等分

右咬咀用水煎不拘時候服

**胎赤**

田氏云月裏生赤肌膚如赤丹塗者先用牛黃散托裏續用藍葉散塗外乳母服清涼飲子三二劑

牛黃散或節牛黃奪命散方見喘門清涼飲方見腹痛

張奘云嬰兒初生須

洗目令淨若洗不淨則穢汁浸漬於眼背中使臉赤



爛至長大不差者名曰胎赤宜用二金散曾純陽  
之子始生旬月忽兩目俱紅弦爛澀癢成翳此因在  
胎為母感受風熱傳於心肝而得先以百解散加當  
歸散水薑燈心煎服次導赤散及牛蒡湯加黃連木  
賊蟬殼水煎服自効有因難產胎氣頗澀轉側差  
緩其血壓於兒首遂至濺血滲下盛則灌注其眼不  
見瞳人輕則外胞腫赤上下弦爛若投涼藥必寒臟  
腑宜與生地黃湯主之

百解散

方見驚搖

當歸散

方見

導赤散

方見心藏

牛蒡湯

方見喉痺

二金散方

黃連去鬚

黃檗各壹錢

右搗為麤末以乳汁浸一宿焙乾每用少許以新

綿裹用荆芥湯浸放溫熱時時洗之

真金散 治小兒初生洗眼不淨則穢汁浸漬於眼

皆中使臉赤爛至長不瘥母食熱物熱藥名曰胎

赤

黃連去鬚

黃栢

當歸

赤芍藥各壹錢

杏仁去皮尖

石剉散乳汁浸一宿曬乾為極細末用生地黃汁



調一字頻頻點眼新綿裹荆芥湯浸温時時洗浴  
母服洗心散

洗心散

甘草生

當歸

麻黃

芍藥

白朮

荆芥穗

大黃煨各半錢

右為極細末用生薑薄荷煎湯調化食遠服

生地黃湯見眼不開

幼科證治準繩集之一



|      |         |
|------|---------|
| 内閣文庫 |         |
| 番號   | 漢 13011 |
| 冊數   | 65 (45) |
| 函號   | 301 63  |